



## Universitätsbibliothek Paderborn

**R. P. Sebastiani Henrici Penzingeri, Consistorialis  
Passaviensis, Decani, & Parochi in Trauttmansdorff ad  
Laitam Bonus Ordo Triplicis Formatæ Concionis Moralis In  
Omnia Festa Sanctorum In Amplissima ...**

**Penzinger, Sebastian Heinrich**

**Solisbaci, 1698**

Concio Prima. Textus: Ascendit in montem orare. Lucæ cap.6. Thema:  
Solitudo exquisitia ad cœlum via.

[urn:nbn:de:hbz:466:1-51763](#)

IN FESTO S. BARTHOLOMÆI.

CONCIO PRIMA.

*Textus:*

*Ascendit in montem orare. Lucae cap. 6.*

*Thema:*

*Solitudo, exquisitissima est ad cœlum via.*

*Exordium:*

**D**apis tantò majore impetu, è funda recta sursum volat, quantò è vibrante manu fuerit remotior: Academicus inscribit Lemma: *Quo remotior, volat altius; sic quo remotior, solus, abstractus à circumtagente mundo quis vixerit, eò scandit altius, & rectius ad superna, ad divina: teste Joanne Cassiano lib. 8. de instit. monachic: Solitudo novit emendatis moribus contemplationem purissimam reserare, & intuitu sincerissimo spiritualium sacramentorum scientiam revelare.* Ita ad animam salvaturam inquit Deus, Osee 2. *Ducam eam in solitudinem, & loquar ad cor ejus.* Ad Salvandos inquit S. Paulus: *Vita vestra abscondita est cum Christo in Deo.* ad Coloss. cap. 3. Hinc Patres magis elogiis solitudinem, recessum animi, deprædicarunt. S. Gregorius Naz. Orat. 41. solitudinem vocat, *animi medicinam:* S. Paulinus ep. 29. *cœlestem officinam;* S. Leo Serm. 8. de jejunio: *Aulam mentis;* S. Basilius: *Aulam sanctam, in qua Deus habitat.* Si vis cordetenus compungi, intra cubile tuum, & exclude tumultus mundi, sicut scriptum est, *in cubilibus vestris compungimi:* in cellâ invenies, quod desoris sepè amittis. Docet Thomas Kempensis de Imit. lib. 1. cap. 20. *Si vis animam tuam in sua virginitatis integritate consistere, secretum appetere, rectum.*

*Textus Sacra Scripturae:*  
Thomas à Kempis.

recessum singularitatis inquire, cunctis domus tuæ foribus, cun-  
 etis videlicet sensibus censoria disciplina repagula, ne quis ingre- Damianus.  
 diatur appone: fons enim, qui circumquaque, ne effundatur, oc-  
 cluditur, undis ad alta profluentibus elevatur. Scribit S. Damia-  
 nus opusc. 12. c. 20. Ubi concava vallum, aspera monium,  
 prarupta rupium cernebam, ibi mea orationis locus, & ut ipse  
 mihi testis est Deus, post multas lachrymas, post celo inharen- S. Hieronymus.  
 tes oculos nonnunquam videbar mihi interesse agminibus Ange-  
 lorum, & latus, gaudensque cantabam: post te in odorem un-  
 guentorum tuorum curremus, qui ergo Deo & Angelis frui cu-  
 pit, dicat: elongavi fugiens, & mansi in solitudine. O deser-  
 tum floribus Christi vernans! O solitudo, in qua nascentur la- S. Hieronymus.  
 pidés, de quibus in Apocalypsi civitas Regis magni exstruitur.  
 Ita S. Hieronymus Ep. ad Heliodorum. Solitaria vita cœlestis  
 doctrina schola est, & divinarum artium disciplina, illuc nam- S. Basilius.  
 que Deus est, totumque quod discitur. Docet S. Basilius de laud.  
 vita solitariae. Cella, terra sancta, & locus sanctus est; inquit S. Bernardus.  
 S. Bernardus Ep. ad fratres de monit. Dei de solitud. in qua  
 Dominus & servus ejus colloquuntur, sicut vir ad amicum suum,  
 in qua crebro fidelis anima verbo Dei conjungitur, sponsa spon-  
 so sociatur. Unum pro certo scio, scribit S. Petrus Damianus  
 opus. 11. cap. 19. O vita benedicta, quia quisquis in amoris tui Damianus.  
 desiderio perseverare studuerit, ipse quidem habitator est tuus,  
 sed ejus habitator est Deus. Solus intellectus purus & simplex  
 incedens, rapido volatu ad ipsum pervenit conditorem Angelo- S. Augustinus.  
 rum, & animarum, & omnium rerum. Concionatur S. Augu-  
 stinus lib. medit. c. 27. Et iterum tract. 17. ih Joannem:  
 Solitudo quedam necessaria est menti nostræ, quædam solitudine  
 intentionis, videtur DEUS, turba strepitum habet, visio ista  
 secretum desiderat. Qui internam quietem diligunt, ipsi de  
 invisibilibus bonis mira cognoscunt, & quanto se à temporali-  
 bus amplius elongant, tanto magis æternis appropinquant.

(Bb) 3

Optime

Optimè Ovidius: *Benè qui latuit, benè vixit. Implorata S. Spiritus gratiâ, Conceptus dabo.*

## CONCEPTUS I.

*Confirmatio.*      Sacratissima Virgo Maria à Gabriele Archangelo salutatur his gratosissimis verbis: *Ave gratia plena, Dominus tecum.* Lucæ 1. Duo indicat Dei Legatus: Primo Mariam omnibus cōli donis & divitiis dotatam esse, & abundare exaltatam; Secundò penes deliciis, & gaudiis frui inenarrabilibus, quoniam Dominus cum illa: quā virtute meruit Virgo Maria, adeo gratiū repleti, adeo exaltari? dicit ipsam: *Recepit humilitatem a cille suæ, ecce enim ex hoc beatam me dicent omnes generationes.* Humilitas exaltavit, humilitas adeo gratiis replevit. Sed quā illa meritoria virtus, quā Dominum sibi devinxit individuum sponsum, ac comitem? *Dominus tecum.* Devinxit virrute solitudinis: *Sola sine comite, sola sine teste, ne quo degeneret deponetur afflatus, ab Angelo salutatur.* Scribit S. Ambrosius lib. 2. in Lucam. Duo dixit Angelus, scribit Hugo in Lucam: *gratiâ plena, Dominus tecum;* primum meruit humilitas, solidudo meruit secundum, habere Dominum. Fit igitur gratia plena propter humilitatem, Dominus tecum propter solidudinem. Vita ergo solitaria B.V. quam clauso ostio Angelus orantem invinit, ut docet S. Bernardus hom. 3. meruit, (inquit Abbas Franconius lib. 6. de gratiâ) ut singulari prærogativa viscera sua sanctificaret, & ut in carne suâ humanam sibi naturam assouaret. Solitariè viventibus vel maximè se Deus conjungit, gratias, & dona, ac cœlestes delicias communicat prælibandas. Testem produco animam dilectam. Cantic. 3.

## CONCEPTUS II.

*Inveni,* inquit dilecta anima, quem diligit anima mea: Angelorum chori, & hanc felicissimam deprædicant; *deliciis effluens,*

*fluens, innixa super dilectum suum.* Cantic. 8. Congratulor tibi fidelis anima, quæ aliquando amarè flevisti; ast dico nobis, quo in loco invenisti dilectum tuum? quo medio delicias impetrasti? Optimè recordor te lamentantem Cantic. 3. *Quæsi il-*  
*lum, & non inveni;* & tandem fateris: *Inveni, quem diligit ani-*  
*ma mea.* Quis hic infelix locus, in quo dilectum invenire ne-  
*quivisti?* quis fortunatus ille situs, in quo, quem dolenter quæ-  
*sivisti, hilariter invenisti?* recordor te quam dolorosè flentem,  
& ingemiscerem, Cantic. 7. *Percusserunt me, & vulnera-*  
*runt me, tulerunt pallium meum.* Nunc ô felix hora! flagra &  
vulnera, versa sunt tibi in delicias, & oscula; *delicis affluens:* dic  
nobis, quo in loco cæsa lamentaris, quo in loco deliciis affluens,  
letaris, & jucundaris? Respondet fidelis anima, & digito mon-  
strat locum, in quo dilectum nequit invenire: *Per vicos, & pla-*  
*teas quæsi eum, & non inveni:* in foro, in plateis, ubi pro-  
phanae hominum secularium curæ tumultuari solent, mundanis,  
terrestribus negotiis implicata, sponsum, dilectum animæ suæ,  
non invenit. Desuper eleganter S. Ambrosius lib. de Virginitate:  
*Non in foro Christus reperitur, non est enim Christus circumfor-*  
*aneus, Christus enim est pax, in foro lites; Christus justitia est,*  
*in foro iniquitas; Christus operator est, in foro inane otium;*  
*Christus charitas est, in foro obrectatio; Christus fides est, in fo-*  
*ro fraus, atque perfidia.* Cum paululum pertransiſſem, de  
mundanis his curis, ac negotiis, inquam, ad solitudinem, ad vi-  
tam solitariam, abstractam me convertiſſem, ecce, *inveni,*  
*quem diligit anima mea.* Sponsus in foro, in plateis queren-  
tem fugit, recedenti in solitudinem, amplexandum se præbuit.  
Desuper Philo lib. de Abraham: *Natura enim comparatum est,*  
*ut qui Deum invenire cupiunt, amicano ei solitudinem quarant.* Indicat pariter locum sponsa, in qua cæsa lamentabatur; *inve-*  
*niverunt me custodes, qui custodiunt civitatem, percusserunt me.*  
&c. In civitate, inter populorum frequentiam ejus ruina; in so-  
lididine verò ejus factus est ascensus, in solididine præparatur  
*et cœlestium deliciarum prægustus.* *Quæ est ista, que ascendit*  
*de de-*

*de deserto deliciis affluens, innixa super dilectum suum.* E solitudine anima deliciis affluens, ascendit, quæ in civitate nuda, quæ inter homines tegens vulnerata, ex confragoso desertoque loco deliciis ascendit plena. Exinde noveris, quam inter homines convictus virtuti nocere soleat, & quam interstit recessus, & vitæ solitudo: *In deserto nitent virtutes, adstat gratiosus Deus.* Concludit S. Antonius Paduanus Dom. 4. Adventus.

### CONCEPTUS III.

Isaias cap. 6. dicit, se Seraphim vidisse, stare & volare stabant super illud, (super Dei solium inquam) & volabant: si stabant, quomodo volabant? Si volabant, quomodo stabant? Quid per stare & volare hic intelligendum? Per stare S. Eucherius vitam solitariam intelligit, ubi, inquam, anima unicè in collendo, & amando Deo consistit, à terrenis, & secularibus curis in totum abstracta, & recedens, soli Deo vacat, societates & conversationes vitat, solitaria domi meditando, legendo, orando latitat, talis solitaria anima, *stat & volat*, in silentio & quiete consistens, ad altissimam Dei contemplationem raptur, ad præsum deliciarum cœli advolat: *Deo adstante, idem est quod volare, festinas ad Deum, sede in quiete, & silentio orationis, evaberis, & ad Deum Deorum in Sion evolabis.* Concludit & tatus Eucherius quæst. veteris Testam. cap. in Isaiam.

### CONCEPTUS IV.

Ex Hebraeo, Virgo, idem quod abscondita interpretatur: Ita Genes. 24. ubi legit latina versio: *Rebecca Virgo pulcherrima*, Hebræus legit: *Alma, abscondita*; sic etiam Isaiae cap. 7. prolixi, *Virgo concipiet*: Hebræus legit: *Alma, abscondita*: Cur recte Virgo abscondita interpretatur: an fors solitudo, vita abscondita, animas nostras, charas Dei sponsas efficit, intactas à peccatis Virgines conservat? Hoc indicare vult S. Hieronymus Ep. 22. ad Eu-

ad Eustochium, quam hisce verbis paternè hortatur: *Semper te  
cubituli tui secreta custodian, audies à sposo, hortus conclusus  
soror mea sponsa, hortus conclusus.* Quisquis in amoris tui de-  
siderio perseverare studuerit, ipse quidem habitator est tuus, sed  
eius habitator est Deus. De vita solitaria scribit Petrus Da-  
mianus opusc. 11. cap. 19. In seipsum collectus, nec nisi quan-  
tum necessitas exigit quidquam rerum humanarum attingens,  
atque secum ipse, & cum Deo colloquens superiorem iis rebus,  
qua in aspectum cadunt, vitam agit, divinas species, puras sem-  
per, nec terrenis ullis, & errantibus formis admixtas in seipso  
circumfert, Deique ac rerum divinarum parvum omnino specu-  
lum est, indiesque efficitur, ut lucem per lucem assumat, clario-  
rem videlicet, per obscuriores, jamque futuri ævi honum, spe  
percipit, ac cum Angelis versatur, ac licet adhuc in terris sit,  
terram deserit, atque in spiritu sursum collocatur. Ita perorat S.  
Gregorius Nazianz. orat. 1.

## CONCEPTUS V.

In veteri lege, ut liber Exodi narrat, apparuit Deus Moysi, & Duceb populi Israëlitici in terram electam constituit: *Educas populum meum filios Israel de Ægypto:* Exodi 3. Quis est iste Moyses, ubi, & in qua forma apparet ei Dominus? per qualēm viam jubetur populum in terram electam deducere? Quis Moyses fuerit, indicat citatus liber, & caput 3. Nempe fuit Pastor oviam, *Moyses autem pascebat oves Jetro saceri sui.* Apparet illi Dominus, *ad montem Dei Oreb, in flamma ignis de medio rubi.* Viam ordinat Deus, non floridos campos, sed asperos, & horridos Arabiæ infelicis scopulos; ad opus adeò eximium, ad educationem populi in terram electam, cur providissimus Deus non potentem Regem, sed pastorem inermem, ineruditum, blemum, & balbutientem, mediā ex parte hominem mutum eligit? cur Majestas divina in flamma ignis, in spinoso rubo residens

Pars II.

(Cc)

appa-

apparuit? cur inscrutabilis bonitas non compendiosam, jucundam, suavem, & facilem semitam, sed saxa, & scopulos, viam asperam, in terram electam ordinat? Ad quæstiones respondeo: Pastor nonnè quasi semper, & omni tempore solitudinem colit, & inhabitat, Pastorem eligit Deus in Ducem populi ad terram promissam; discamus: solitudo, vita abstracta, recessus è mundi hujus tumultibus, optimus Dux est ad Patriam electam æternæ beatitudinis. O deserto, exclamat S. Hieronymus Ep. ad Heliодorum, floribus Christi vernans, ô solitudo! in quâ nascuntur lapides, de quibus in Apocalypsi, Civitas Regis magni exstinguitur. In flamma ignis, & in rubo apparuit Deus; in flamma observabit, ut S. Anastasius Synaita docet, quod de terra quasi semper avolet, loca superiora appetat, & sequatur; mentem asceticam, abstractam de mundi vanitatibus, ac solitudinem incensum, designat. Rubus spinosa sola tegit, rubum spinosam terram, & homines fugiunt, intactam relinquunt, solitudinis verum exemplar; in flamma ignis, & in medio rubi appareat Dominus, indicium: solitariè degentibus, abstractis à mundi tumultibus, predestinatus est Deus, in eorum cordibus suaviter inhabitat, & moratur suis copiosissimis donis, ac gratiis. Audi S. Augustinum, tract. 17. in Joannem: Solitudo quædam necessaria est menti nostra, quædam solitudine intentionis videtur Deus. Optimè Oleaster in Exodum: Audis hic quibus hominibus, & in quibus locis, Deus secreta sua revelet, nempe deserta loca incolentibus. Non ergò floridam semitam, sed rupibus & saxis desertam, ac asperam Arabiae viam, Deus iter in terram electam ordinat, documento nobis: solitudine, vitæ abstractâ à mundi tumultibus, & vanitatibus, tutissimam viam ad cœlestem patriam patere. Confirmat iterum S. Augustinus lib. medit. cap. 27. Qui internam quietem diligunt, ipsi de invisibilibus bonis mira cognoscunt, & quantum se à temporalibus elongant, tanto magis aeternis appropiant.

CON-

## CONCEPTUS VI.

David consentiens in certamen & conflictum cum gigante illo Goliath, in castris, ut militem decet, cum Rege Saul non permansit, sed ad desertum pascendis ovibus reversus est: exinde iterato in conflictum descendit: *Abiit David, & reversus est à Saul, ut pasceret gregem Patris sui in Bethlehem.* 1. Regum 17. & iterum: *Surrexit itaque David manè, & commendavit gregem custodi, & onustus abiit, sicut præceperat ei Iſai.* Hæc notare libeat. Transeamus nunc ad librum 2. Regum cap. 10. hic legetis, Regem Hanon, Legatos Davidis etiamnum Regis, turpiter despississe, vestes eorum, & barbas dimidiā parte præscindendo: *Tulit itaque Hanon servos David, rasique dimidiam partem barbae eorum, & præscidit vestes eorum medias usque ad nates, & dimisit eos.* David hæc inaudiens: *misi in occursum eorum, erant enim viri confusi turpiter valde, & mandauit eis David: manete in Jericho, donec crescat barba vestra.* Cur quæso conflictum initurus cum Goliath, in castris generofus miles non perseveravit David, sed ad pascua ovium revertitur? Deinde, cur Legatos suos in Jericho remanere imperat? Ad utramque quæstionem respondeo: Oves in desertis, pratis ac agris, in solitudine pascuntur, ad desertum, ad solitudinem igitur descendit David pastorem agens, exinde robur maximum, ac victoriam contra inimicum, sibi summam felicitatem, regnum & sceptrum auspiciaturus: sic afferente Basilio Seleu. orat. 15. *Tales animas (solitudinem nempe excolentium) legere novit gratia, quare & gregis cura distentum, vocavit ad regnum.* Discamus ex hinc, quantum conducat, animum in solitudine cœlestibus præmunire, ut valeamus de hostibus truculentissimis; mundo, carne, & Dæmone triumphum reportare: discamus ad obtainendum regnum cœleste, vel maximè conducere solitudinem, vitare hominum consortium, sibi soli pietatibus vacare. Legatos suos in Jericho, David exspectare jubet, inibi indubie ornamentum corporis prædicens: *Donec crescat barba vestra.*

(Cc) 2

Jericho,

*Jericho*, inquit Abulens, quæst. 5. erat hinc depopulata &c. & ibi poterant manere isti, quasi solitarii, quoadusque cresceret barba eorum. In Jericho, in solitudine manere jubet legatos, ornamentum corporis prædicens: quia crescat eis barba; ad internum meum accommodè loquitur Eucherius apud glossam: His necesse est, sedeant in Jericho, donec crescat barba; id est, dana incrementa virtutum in eis nascantur: Solitudo ergo dat virtutes, solitudo aptos & dignos facit viros, qui cœlesti David, Christo Jesu in regno cœlorum adstant, & se præsentent.

## CONCEPTUS VII.

Aquila avis, summis prærogativis ab authore mundi donata est, Aquilæ seipsum Deus maximus comparare dignatur, Deut. 33. Sicut *Aquila provocans ad volandum pullos suos*, & super eos vislitans expandit alas suas, & assumpfit atque portavit eum in humeris suis; inter animalia illa Ezechielis cap. 1. Aquila primatum tenet, & facies *Aquila desuper ipsorum quatuor*. Unde erga Aquilam tam liberalis est Deus? Job caualem dicit cap. 39. *Elevabitur Aquila, in arduis ponet nidum suum, in petru maret præruptis & silicibus commoratur, atque in accessis rupibus*; solitudo vitae, tam copiosis prærogativis Aquilam cumulavit: opportunè S. Gregorius lib. 11. moral. cap. 19. *Ad preceptum Dei elevatur Aquila, dum visionibus divinis obtemperans in supernis suspenditur, fidelium vitaque & in arduis nidum ponendicitur, quia desideria terrena despiciens, ipse jam de cœlestibus nutritur.* Quam benè ad propositum S. Augustinus lib. medit. c. 27. Qui internam quietem diligunt, ipse de invisibilibus bonis mira cognoscunt, & quanto se à temporalibus amplius elongant, tanto magis aeternis appropinquant. Testis chara Spona Cantic. cap. 4.

CON-

## CONCEPTUS VIII.

Sponsus dilectam sibi animam fœcundam dicit, ut grēgem caprarum: *Capilli tui sicut greges caprarum, quæ ascenderunt de monte Galaad, dentes tui sicut greges tonsarum, quæ ascenderunt de lavacro, omnes gemellis fœtibus, & sterilis non est inter eas.* Cur fœcundam ut capram dicit? Capra montes & colles, avia & deserta petit, recessus quærit, & hic invenit pascua optima, adeò conduentia, ut iteratò concipiatur, gemellos feliciter pariat. Capras solitudines amantes describit ornatè S. Ambros. in collectis: *Spectantur à pastoribus suis dumosa de rupe pendentes, ubi luporum incursus esse non possunt, ubi fœcunda arbores fructum integrum subministrant; cernere licet uberi laète diffentias super tenacram sobolem maternā pietate sollicitas.* Quæ nunc anima fidelis, capram imitata, solitudinem quæsiverit, recesserit à mundi strepitu, & rerum vanarum cura, sola, soli Deo intenta, inveniet pascua Spiritus ter optima, geminos pariet fructus, jucunditatem animi, & consolationem hic in terris, & ibi lætitiae & gaudii cœlestis dulcedinem, & abundantiam.

Hortor ergò cum S. Chrysostomo: *Evelle te ipsum ab occa- Epilogus  
fionibus, & in secretum ab hominum conuentudine recipe la-  
cum, si vis virtutem contueri.*

Amen.



(Cc) 3

IN FESTO